



*Kamis, 9 Mei 2024*

**Ogen: Sepanya 1:1-6**



**WARI UKUMEN**



Salah sada ciri surat Sepanya e me, nuratken mulihi kai si enggo pernah dengen melala isingetken nabi-nabi sideban. Kerna wari ukumen ras cilaka si jadi erkiteken kejahatan ras kinilapatuhen bangsa Dibata. Kerna ise Sepaya ituriken i bas kalangen raja-raja kalak Israel, e maka ertanggungjawab kal ia muat bagin i bas kegeluhen kalak Israel gelah nggeluh alu benar sentudu ras sura-sura Dibata. E maka Nabi Sepanya nuratken kata Dibata si isekhenna man bangsana nina

- 'Kukernepken ateku kerina si lit i doni, la saja manusia tapi pe rubia-rubia sidebanna kerina. Ertina, sanga la lit si man panganen manusia e mabai ia banci mate
- Ku ukum kerina kalak si i Jerusalem rikut kerina sembah-sembahen Baalna, alu bage lanai lit denggo si ngingetsa
- Ku kernepken kerina kalak silawes ku tarum rumah, sinembah matawari, ertina bangsa e nembah tinepa Dibata
- Kukernepken kalak si ersumpah erkemalangen man bangku tapi kenca e ersumpah ka ia i bas gelar Dewa Milkom

Kerina si ituriken nabi enda ncidahken maka kerina bangsa e tuhu-tuhu ndarami penampat arah kuasa sideban. Lanai ernalem man Dibata i bas geluhna, teken ia nandangi kuasa tinepa ntah pe gana-gana tinepana jine. Arah berita si isehken enda, mbelin arapen gelah jera bangsa e, amin bage gia megati tuhu labo ia jera seh me ukumen e man bana.

Bagenda me geluh bangsa Dibata, nai nari seh asa genduari, la patuh, atena per atena. Banci nge lit ukumen Dibata dikune la jera, la robah. Pengajuk man banta, teptep kalak lit masa laluna tapi la iperkiraken Dibata e adi nggit jera sabap masa depanna nge ate Dibata ipesikapna. Metengetlah, i bas erbahan keputusan ntah pe ngelakoken pendahinta gelah la ndabuh ku bas nundalken Dibata.